

¡BOMBA!

Hoy, por segunda ocasión,
en Casa Blanca hay magnate;
nadie le quita lo orate,
tampoco lo bravucón



K'untzil

Lunes 20 de enero de 2025

CAMPECHE · YUCATÁN · QUINTANA ROO · AÑO 10 · NÚMERO 2400 · www.lajornadamaya.mx

U jk'a'aytajil Hamásé' tu ya'alaj mokt'aan xu'ulsik ba'atele' ts'o'ok ja'ach u yantal walkil jun ja'ab paachile'

AbuObeida, máaxbeetikuk'a'aytajilo'ob Brigadas al Qasam, múuch'o'ob ku ba'atelo'ob tu favor Hamás, tu ya'alaj mokt'aan jets'a'ab ti'al u xu'ulsa'al ba'alteláambal táan Franja de Gaza, káaj u chiímpolta'al le domingo máanika' tu jo'olaj maanal jo'olajunpéel winalo'ob ba'atele', je'el ka'ach u béeytal u je'etsel walkil jumpéel ja'ab pachile' chéen wa ka óota'ak tumen u yáax ministroil israeliil, Benjamín Netanyahu.

"Mokt'aan béeychaj te'el k'iino'oba', ts'o'ok ka'ach u béeytal walkil jumpéel ja'ab wa tumen ka je'ets'ek ba'ax u k'áat Netanyahu", tu ya'alaj Obeida ti' jumpéel k'a'aytajil cha'an beeta'ab ti'al u ya'alik ba'ax táakbesa'ab ich "Operación Inundación de Al Aqsa".

A'alabe' islamistail múuch'e' u k'áat u chiímpolt ba'ax jets'a'an ichil

mokt'aan, ba'ale' le beyka'aj kun xáantal yéetel u beeta'al ba'al je'el bix a'alabiko' yaan u yila'al "bix kun úuchul yéetel u jeelo'obo".

Tukulta'an ka'ache' u jáawsa'al ba'atele' láas 6.30 GMT kun úuchul, ba'ale' Netanyahu' tu xaankunsaj tumen tu ya'alaj Hamásé' ma' bin u k'ub le óoxpéel k'aaba'ob máak ken u yáax jáalk'a'abtej, je'el bix jets'a'abiko', ts'o'oke' tumen beey k'a'ayta'ab tumen Catar le jueves máaniko', ba'ale' Israele' ma' tu ka'a a'alaj tu piik'sáastalil le sábado máanika'.

U k'aaba' óoxtúul ko'olel ts'o'ok u cha'abal walkila': Emily Damari, Doron Steinbrecher yéetel Romi Gonen. Leti'obe' jcha'abo'ob ti'al u béeytal xan u su'utul 90 u túul palestinoil k'ala'ano'ob xan, u ya'abile' ko'olel yéetel paalal.

Efe / p 28
Oochel Ap

